



UNIVERSITÄTS-  
BIBLIOTHEK  
PADERBORN

**Institutionum Juris Canonici Sive Primorum totius Sacrae  
Jurisprudentiae Elementorum. Libri Quatuor**

**Febeo, Francesco Antonio**

**Coloniæ Agrippinæ, 1704**

**VD18 13560743-001**

Modus scribendi atque legendi citationes textuum in utroque Jure

---

[urn:nbn:de:hbz:466:1-63052](https://nbn-resolving.de/urn:nbn:de:hbz:466:1-63052)

annos 23. c. quidam 25. c. *Dilectus* 13. aliisque iuribus de homicid. Incurritur in secundo, ut est exemplum in c. *Presbyterum* 7. eod. Unde fit quod laicus exercens artem medicinæ vel chirurgiæ, si alicui præter intentionem mortem causavit, non sine culpa, quia omnem debitam diligentiam non adhibuit, vel quia imperitus fuit, irregularis est, de quo in cap. *Ad aures* 7. de etat. & qual. & Ord. præficiend. Religiosus tamen, & Clericus majorum Ordinum, etiam adhibita omni diligentia, irregularis, efficitur, ut in c. *Sententiam* 9. ne Cler. vel Monach. & c. *Tua* 19. de homicid. Atque hæc pro Institutionum Canoniarum brevitate dicta sint satis

AD MAJOREM  
DEI  
GLORIAM.

---

*Modus scribendi, atque legendi citationes Tex-  
tuum in utroque Jure.*

Pro majori Tyronum commoditate, ac facilitate, placet hic breviter recensere allegationes Textuum præcipuas, quibus utuntur in utroque Jure periti, ut illas facile possint tum apud Authores legere, tum ipsi per se in suis exemplaribus scribere.

Me.



*Modus scribendi atque legendi citationes Tex-  
tuum in Jure Canonico.*

REcolendo quæ fusè declarata sunt in tit. pro-  
cessionali §. 3. à num. 6. partes , quibus com-  
ponitur Corpus Juris Canonici , sunt Decre-  
tum Gratiani , Decretales , Sextus , Clementi-  
næ , & Extravagantes. Decretum in tres partes  
est divisum. Prima pars continet 101. distin-  
ctiones , in plura capita , seu Canones subdivi-  
fas. Solent ii Canones citari per verba ipsorum  
initialia , apposito numero distinctionis sub  
qua continentur : unde si quando Textus ali-  
quis ita allegetur , signum est ipsum reperiri in  
hac prima parte Decreti. Modus autem ejus-  
modi citationes breviandi est , scribere dum  
taxat litteram d quæ significat distinctionem ,  
vel syllabā dist. apposito numero distinctionis ;  
& ante verba initialia Textus scribere dumta-  
xat c. parvum , quod significat caput seu Cano-  
nem v. g. c. consuetudo dist. 8. hoc est capite ,  
quod incipit Consuetudo distinctione octava.

Secunda pars Decreti triginta sex Causas  
complectitur , quarum singulæ in quæstiones  
dividuntur , & quælibet quæstio in capita: in-  
ter quas quæstio tertia Causæ trigesimæ tertiaræ  
continet tractatum de Pœnitentia divisum in  
septem distinctiones subdivisas in capita. Hu-

Cc 2

jus

jus partis Canones , seu Capita allegantur citando numerum causæ , & quæstionis , & præterea verba initialia eorundem capitum . v. g .  
**17. q. 1. c. Ananias** , quæ citatio ita legitur : **de-**  
**cima septima** ( hoc est , **causa decima septima** , so-  
let enim relinqui vox **causa brevitatis causa** , &  
solus numerus causæ allegari ) **quæstione prima** ,  
**capite Ananias** , hoc est cuius initium est **Ana-**  
**nias** . Si autem Textus reperiatur in tractatu de  
Pœnitentia ita citatur : **de pœnit. dist. 2. cap. cum**  
**sanctam.**

Tertia pars Decreti continet tractatum de consecratione in quinque distinctiones distributum subdivisas in Canones seu capita. Modus allegandi eosdem Canones est , citare tractatum de consecratione , numerum distinctionis , & initium capitinis , v. g. **de consecr. dist. 4. c.** ostenditur.

Decretales sunt altera pars componens corpus Juris Canonici compilata ex autoritate Gregorii IX. divisa in quinque libros , quorum quilibet plures sub se titulos habet in capita subdivisos. Ejus Textus citantur per verba ipsorum initialia , apposito titulo sub quo repertuntur . v. g. **c. querelam** , **de jurejur.** hoc est , **capite** , cuius initium est **querelam** sub titulo **de jurejurando** . Quia autem aliquando contingit , sub eodem titulo plures Canones reperiri per eadem verba incipientes , ut cognoscatur in ci-  
tatio-

tatione de quo illorum sermo sic , solent antiquiores Canonistæ post verba initialia capitis apponere expressè Italica voce *il primo* , seu *il secundo &c. v. g. c. bona memoria il secundo de postul. Prælator.* quo significatur , citatum caput esse secundum inter ea quæ incipiunt *Bona memoria* sub titulo *de postulatione Prælatorum.* Eundem stylum servant in citationibus aliarum partium Juris Canonici , si quando contingat sub eod. titulo plura capita reperiri per eadem verba *incipientia.* Plures tamen ex recentioribus Canonistis , ut ea confusio vitetur , simulque ut facilius citata capita inveniantur , post verba initialia capitis , solent apponere numerum , quo in ordine reperitur idem caput sub citato titulo , v. g. *c. bona memoria 4. de postulatione Prælator.* quem stylum servavimus plerumque etiam nos in toto hoc Opere , etiam ubi initium capituli citati non est *commune pluribus capitibus.*

Sextus Decretalium est tertia pars compo-  
nens Corpus Juris Canonici , divisa etiam in  
quinque libros , quorum quilibet plures sub se  
titulos habet desumptos ex Decretalibus Gre-  
gorii. Hujus partis Canones citantur etiam per  
voces iniciales capituli , addendo titulum , &  
præterea particulam in 6. v. g. *c. Inquisitores de  
baret.* in 6. hoc est , capita cuius initium est *In-  
quisitores* , sub tit. *de bæreticis* , in sexto Decretalium.

Cc 3

Clej

Clementinæ sunt quarta pars Corporis Juris Canonici. Ejus Canones ita v.g. citantur: Clem. nolentes, de hæret. hoc est, Clementina cuius initium est Nolentes, sub titulo de hæreticis.

Ultima pars Corporis Juris Canonici est liber Extravagantium, in duas partes subdivisus, quarum una continet Extravagantes Joannis XXII. altera autem Extravagantes communes. Ejus textus solent v. g. hoc modo allegari: Extrav. ad Apostolatus, de concef. præb. inter Extrav. Joar. hoc est Extravaganti, cuius initium est ad Apostolatus, sub titulo de concessione præbenda, inter Extravagantes Joannis vigesimi secundi: Extrav. si Religiosus, de elect. inter comm. hoc est, extravaganti cuius initium est Si Religiosus, sub titulo de electione, inter communes extravagantes.

Olim Canonistis solemne fuit, ut si quando allegare deberent aliquem Canonem non inclusum in Decreto Gratiani, adderent particulam Extra: v. g. c. quia propter, extra de elect. quo significabant Canonem illum esse extra Decretum: nunc tamen stylus iste communiter non servatur, nisi aliquando ubi citandus sit aliquis textus, qui nondum sit inclusus in corpore Juris. Legistæ tamen modum illum adhuc servant, ubi citatur ab ipsis aliquis textus Canonicus, quo significare intendunt citatum textum esse extra Corpus sui Juris, scilicet Civilis.

De-



Demum pro omnibus prædictarum partium citationibus notandum est , si aliquando contingat , Canonem aliquem esse aliquantulū prolixiorē , ac propterea in paragraphos di- vidi , tunc ad facilius inveniendum textum , so- lere citari etiam paragraphum hoc signo §. per verba ejus initialia . v. g. c. quia propter , §. illud autem , de elect. Quod idem servatur etiam in citationibus legum civilium.

*Modus scribendi atque legendi citationes textuum  
in Jure Civili.*

R Ecolendo etiam quæ fusè à nobis explicata sunt in tit. procœmiali §. 2. à num. 7. prima partium componentium Corpus Juris Civilis est Digestum subdivisum in Digestum vetus , Infortiatum & Digestum novum. Digestum breviate scribitur vel per litteram majorem D , vel per græcam litteram π ( quæ est initia- lis in voce græca Pandectæ , quo nomine vo- catur etiam Digestum ) , vel frequentius per has duas litteras ff. Lex breviate scribitur per litteram l. Si itaque citanda sit lex in Digesto contenta , solet v.g. ita allegari : l. quod si , ff. de rei vindicat. hoc est , lege , quod si , Digestis de rei vindicatione , & significatur eam legem reperiri in libris Digestorum sub titulo De rei vindica- tione.

Cc 4

Co-

Codex est altera pars Corporis Juris Civilis, atque dividitur in 12. libros, ita tamen ut primi 9. libri positi simul sint in proprio volumine, reliqui autem tres ultimi positi sint post Institutiones. Codex breviate scribitur per majorem litteram C. Ejus leges contentæ in aliquo priorum novem librorum hoc modo v. g. allegari solent: *l. invitius*, *C. de procurator.* hoc est, *lege*, cuius initium est *Invitus*, Codice hoc est in volumine Codicis, sub titulo *De procuratoribus*. Si autem alleganda sit lex contenta in aliquo trium ultimorum librorum, solet etiam addi numerus libri: v. g. *l. frustra*, *Cod. de re militari* *lib. 12.*

In libris Codicis inveniuntur nonnumquam translatæ aliquæ particulæ Authenticorum, & illæ sunt quæ propriè dicuntur authenticæ. Illarum allegatio hujusmodi est: *auth. Sed Judex*, *C. de Episc. & Cler.* hoc est, *authenica* cuius initium est *Sed Judex*, in volumine Codicis, sub titulo *De Episcopis & Clericis*.

Alia pars Juris Civilis est volumen Authenticorum, divisum in novem Collationes. Ejus textus citantur per prima verba paragraphi addendo titulum ipsius Authentici. v. g. §. *Deinceps*, *Auth. de nuptiis*, hoc est paragrapho, cuius initium est *Deinceps*, *Authenico*, hoc est in volumine Authenticorum, sub titulo *De nuptiis*.

Alia pars Juris Civilis est liber feudorum. E-

jus

jus leges solent v.g. hoc modo citari: in lib. feud.  
de natura feudi, c. vel l. natura, hoc in libro feu-  
dorum sub titulo *De natura feudi*, capite, vel le-  
ge, quæ incipit, *natura*.

Alia demum Juris Civilis pars sunt Institu-  
tiones Justiniani. Ejus leges citantur etiam per  
prima verba paragraphi, addendo titulum In-  
stitutionum, v. g. hoc modo: *Instit. de rer. di-  
vis.* §. Item ea, hoc est, in Institutionibus Ju-  
stiniani, titulo *De rerum divisione*,  
paragrapho cuius initium est,  
*I*tem ea.

F I N I S.



IN-